



REPUBLIKA E SHQIPËRISË
KOMISIONERI PËR TË DREJTËN E INFORMIMIT DHE MBROJTJEN E TË
DHËNAVE PERSONALE

Nr. 872/Prot.
3

Tiranë, më 3/7 2017

REKOMANDIM

Nr. 24 datë 3/7/2017

Në mbështetje të neneve 29, 30 dhe 32 të Ligjit Nr.9887 datë 10.03.2008 "*Për Mbrojtjen e të Dhënave Personale*" i ndryshuar, neneve 77-112 të Ligjit nr.44/2015 "*Kodi i Procedurave Administrative të Republikës së Shqipërisë*", si dhe provave të administruara në ngarkim të kontrolluesit *Qendra Kombëtare Pritëse e Viktimave të Trafikimit Linzë-Tiranë*,

VËREJ SE:

Në zbatim të Urdhrit Nr.148, datë 30.05.2017 të Komisionerit për të Drejtën e Informimit dhe Mbrojtjen e të Dhënave Personale, u krye hetim administrativ pranë kontrolluesit *Qendra Kombëtare Pritëse e Viktimave të Trafikimit, Linzë-Tiranë*, me objekt kontrolli:

- Zbatimi i Ligjit Nr.9887 datë 10.03.2008 "*Për mbrojtjen e të dhënave personale*" i ndryshuar dhe akteve të miratuara nga Komisioneri, në lidhje me mbledhjen, përpunimin, ruajtjen dhe sigurinë e të dhënave personale, gjatë kryerjes së aktivitetit të kontrolluesit *Qendra Kombëtare Pritëse e Viktimave të Trafikimit, Linzë-Tiranë*,

Grupi i kontrollit, gjatë kryerjes së veprimeve procedurale, u asistua nga përfaqësuesit e kontrolluesit, të cilët ishin njohur me Urdhrin Nr.148, datë 30.05.2017 të Komisionerit.

Kontrolluesi *Qendra Kombëtare Pritëse e Viktimave të trafikimit Linzë-Tiranë*, është institucion i përkujdesit social rezidencial, në varësi direkte të Drejtorisë së Përgjithshme të Shërbimit Social Shtetëror, misioni i të cilit ka për qëllim përmirësimin e statusit social të viktimave/viktimave të mundshme të trafikimit, lehtësimi i jetesës së pavarur të tyre si dhe rritja e ndërgjegjësimit të tyre për të jetuar në komunitet, nëpërmjet zhvillimit të vazhdueshëm të procesit të vlerësimit të vetvetes dhe luftës ndaj diskriminimit që kanë efekt të drejtpërdrejtë në mundësitë ekonomike të tyre.

Këta individë shpesh gjenden dhe në kushtet e dëshmtarëve, siguria dhe konfidencialiteti i të cilëve duhet të jetë i një niveli të lartë.

Ky kontrollues gjatë ushtrimit të detyrës, mbledh të dhëna personale të kategorive "*përfitues*" dhe "*punëmarrës*" gjenerale, por më së shumti të dhëna personale sensitive, si: formularë të

vlerësimin shëndetësor, vlerësimin ligjor, vlerësimin psiko-social dhe nevojave arsimore profesionale, vlerësimin financiar dhe akomodimin, vlerësimin e sigurisë dhe rezikut/vdekshmërisë, monitorimin afat-gjatë pas daljes nga qendra pritëse etj.

Një nga parimet bazë të aktivitetit të kontrolluesit sanksionuar në akte nënligjore, (*Rregullore e brendshme e kontrolluesit Qendra Kombëtare Pritëse e Viktimave të trafikimit Linzë-Tiranë*), është konfidencialiteti.

Nga hetimi administrativ i kryer pranë këtij kontrolluesi u konstatua:

1. Kontrolluesi *Qendra Kombëtare Pritëse e Viktimave të Trafikimit Linzë-Tiranë*, nuk e ka kryer detyrimin për njoftim.
Konstatimi përbën shkelje administrative të neneve 21 dhe 22 të ligjit - *"1. Çdo kontrollues duhet të njoftojë Komisionerin për përpunimin e të dhënave personale, për të cilat është përgjegjës. Njoftimi duhet të bëhet para se kontrolluesi të përpunojë të dhënat për herë të parë ose kur kërkohet ndryshimi i gjendjes së njoftimit të përpunimit, sipas nenit 22 të këtij ligji, të njoftuar më parë"*.
2. Kontrolluesi *Qendra Kombëtare Pritëse e Viktimave të Trafikimit Linzë-Tiranë*, nuk ka një rregullore të mirëfilltë për mbrojtjen e të dhënave personale, përveç nenit 15, të rregullores funksionale të tij.
Konstatimi i pikës së dytë, përbën shkelje administrative të nenit 27 të Ligjit Nr.9887 datë 10.03.2008 *"Për Mbrojtjen e të Dhënave Personale"* i ndryshuar, – *"1. Kontrolluesi ose përpunuesi merr masa organizative dhe teknike të përshtatshme për të mbrojtur të dhënat personale nga shkatërrime të paligjshme, aksidentale, humbje aksidentale, për të mbrojtur aksesin ose përhapjen nga persona të paautorizuar, veçanërisht kur përpunimi i të dhënave bëhet në rrjet, si dhe nga çdo formë tjetër e paligjshme përpunimi.*
2. Kontrolluesi merr këto masa të veçanta sigurie:
2/1. Kontrolluesi është i detyruar të dokumentojë masat tekniko-organizative të përshtatura dhe të zbatuara për garantimin e mbrojtjes së të dhënave personale, në përputhje me ligjin dhe rregullore të tjera".
3. Kontrolluesi *Qendra Kombëtare Pritëse e Viktimave të Trafikimit Linzë-Tiranë*, ka disa formate mbi konfidencialitetin, për vizitorë, punëmarrës dhe palë të treta, por këto formate nuk kanë standardin e Deklaratës së Konfidencialitetit sipas Vendimit Nr.6 datë 05.08.2013 të Komisionerit. Pajisja me Deklaratë Konfidencialiteti e punëmarrësve që aksesojnë të dhëna personale gjatë ushtrimit të detyrës, është detyrim ligjor dhe ka standardin e parashikuar në aktin nënligjor e sipër cituar ku parashikohen: **Objekti, qëllimi, fusha e veprimit, si dhe masat për shpërdorimin e tyre.**
Gjithashtu, kjo deklaratë merr fuqi provuese dhe ligjore nga nënshkrimi (emri dhe firma) i punëdhënësit, kriter i detyrueshëm i kësaj deklarate.

Konstatimi i pikës së tretë, përbën shkelje administrative të nenit 28 të Ligjit Nr.9887 datë 10.03.2008 *“Për Mbrojtjen e të Dhënave Personale”* i ndryshuar, - *“Kontrolluesit, përpunuesit dhe personat, që vihen në dijeni me të dhënat e përpunuara, gjatë ushtrimit të funksioneve të tyre, detyrohen të ruajnë konfidencialitetin dhe besueshmërinë edhe pas përfundimit të funksionit. Këto të dhëna nuk përhapen, përveç rasteve të parashikuara me ligj”*.

Në përfundim të procedurës së kontrollit, Zyra e Komisionerit, mban në konsideratë faktin që kontrolluesi ka qenë në bashkëpunim serioz me grupin e hetimit administrativ gjatë ushtrimit të kontrollit.

Sa më sipër:

Në zbatim të nenit 32/1 të Ligjit Nr. 9887 datë 10.03.2008 *“Për Mbrojtjen e të Dhënave Personale”* i ndryshuar,

REKOMANDOJ:

1. Në zbatim të nenit 21 dhe 22 të Ligjit Nr.9887, datë 10.03.2008 *“Për Mbrojtjen e të Dhënave Personale”* i ndryshuar, kontrolluesi *Qendra Kombëtare Pritëse e Viktimave të trafikimit Linzë-Tiranë*, të realizojë detyrimin për njofim, dhe në vazhdimësi përditësimin e Formularit të Njofimit.
2. Në zbatim të nenit 27 të Ligjit Nr.9887, datë 10.03.2008 *“Për Mbrojtjen e të Dhënave Personale”* i ndryshuar, kontrolluesi *Qendra Kombëtare Pritëse e Viktimave të trafikimit Linzë-Tiranë*, të hartojë dhe përshtatë në funksion të aktivitetit të tij rregulloren për *“Mbrojtjen, Përpunimin, Ruajtjen dhe Sigurinë e të Dhënave Personale”*.
3. Në zbatim të nenit 27 të Ligjit Nr.9887, datë 10.03.2008 *“Për Mbrojtjen e të Dhënave Personale”* i ndryshuar, kontrolluesi *Qendra Kombëtare Pritëse e Viktimave të trafikimit Linzë-Tiranë*, të hartojë rregullore për funksionimin e kamerave në ambientet e tij.
4. Në zbatim të nenit 28 të Ligjit Nr.9887, datë 10.03.2008 *“Për Mbrojtjen e të Dhënave Personale”* i ndryshuar, kontrolluesi *Qendra Kombëtare Pritëse e Viktimave të trafikimit Linzë-Tiranë*, të marrë masa për të pajisur me Deklarata Konfidencialiteti të gjithë punëmarrësit që aksesojnë të dhëna personale gjatë ushtrimit të detyrës pranë këtij kontrolluesi, sipas standardit të parashikuar në Vendimin Nr.6 datë 03.08.2012 të Komisionerit.
5. Kontrolluesi *Qendra Kombëtare Pritëse e Viktimave të trafikimit Linzë-Tiranë*, të realizojë plotësimet e detyrimeve të parashikuara në pikat 1, 2, 3, dhe 4 të këtij Rekomandimi, brenda afatit 30 ditor nga momenti i marrjes dijeni.

6. Në rast mos përmbushje të këtyre detyrimeve, Komisioneri vepron sipas nenit 30/2 dhe 39 të Ligjit Nr.9887, datë 10.03.2008 "Për Mbrojtjen e të Dhënave Personale" i ndryshuar. Komisioneri në rast shkeljesh serioze, të përsëritura ose të qëllimshme të ligjit nga një kontrollues ose përpunues, veçanërisht në rastet e përsëritura të moszbatimit të rekomandimeve të tij, vendos sanksion me gjobë për kundërvajtjet administrative dhe e denoncon publikisht ose e raporton çështjen në Kuvend dhe në Këshillin e Ministrave.

Ky Rekomandim u shpall sot më datë 3/7/2017

BESNIK DERVISHI

KOMISIONERI